

夏縣志卷首

目錄

卷首

原序

羅序

蔣序

言序

例言

十四則

圖

卷一

輿地志

沿革

星野

疆域

形勝

山川

古蹟

卷二

建置志

城池

官署

學校

倉廩

營汛

卷三

祠祀志

壇

廟

祠

卷四

賦役志

地糧

丁糧

雜稅

鹽課

戶口

差徭

卷五

災祥志

祥異

兵災

荒災

卷六

官師志

宦績

歷任令佐

歷任教職

歷任武職

卷七

人物志

賢才

卷八

人物志

選舉

仕籍

仙釋

卷九

人物志

列女

卷十

藝文志

文

賦

詩

夏縣志卷九

知縣黃縉榮重修

人物志三

列女

唐

衛孝女 字無忌其父爲鄉人衛長則所殺無忌甫六歲母更嫁無兄弟及長志報父讐會從父延客長則在坐無忌以簪殺之詣吏稱父讐旣報請就刑巡按大使褚遂良以聞太宗嘉其孝烈特免其罪給傳徙雍州賜田宅令有司以禮嫁之

宋

司馬沂妻李氏 年二十八沂歿父母欲奪其志翁姑亦遣焉氏不可惡衣蔬食躬執勤勞教二子詠里詠早卒里登進士第累官太常少卿李封永壽太君司馬謚妻王氏 進士禹女生子京未逾歲而謚歿氏年尙幼矢志守節京長以廕補官封福昌縣太君年七十九卒

司馬夢求母程氏 嫁甫及門夫死誓不他適旌曰節婦撫族子夢求爲後官江陵以忠殉國

金

周均實妻王氏 年十七適均實越二歲生子週歲夫

卒氏誓死不嫁年七十卒大定元年旌表

曹二妻郭氏 年十九適曹生子甫二歲夫亡氏砥節撫孤卒年七十有五大定五年旌表

元

沔陽路判劉權妻孫氏 權卒撫遺孤文質文浩克底成立文浩早喪偶孫曰海甫週歲氏親鞠育之後發解登第孀居四十年

明

藺芳母某氏 芳爲吉安知府母自奉甚約日蔬食芳

日所治事必告母有不當輒教誡之芳受命惟謹由是爲良吏

車輅妻盧氏 輅早卒生子甫八月氏撫育幼子誓不再適壽八十終嘉靖三年詔旌子尙儒恩給冠帶復其身

蘭泉妻高氏 瑄之子婦少司空芳之孫婦也年二十三泉卒生子進甫二歲孝翁姑撫幼子家聲不墜壽百有三歲時子進亦年八十二咸謂名臣貞婦之報云

周宣妻張氏 少寡撫四歲孤贊成立事姑以孝聞贊

事母盡孝一日外出母忽中風仆地歸而痛悔三年不出戶庭候母起居嘉靖三年以母節子孝詔賜冠帶復其身

翟正妻介氏 年二十一夫卒遺幼孤豪民慕其色強委禽焉且挾以勢令必從氏泣涕不食矢以死曰請舁棺以待豪民懼卒不敢奪

任明妻樊氏 夫亡無子守志不嫁事舅姑孝夫姪迪幼失母繼母逐之氏撫養如子爲之婚娶迪亦事氏如母宏治末大疫夫弟峻舉家俱病人爭避之氏獨爲餽湯藥勤省視卒得全活氏亦不染壽九十三卒

裴慶妻王氏 給事中祥孫婦少寡姑老子良弼良佐俱幼盡心事育宏治時布政使郝公勸賑氏出粟應之給其長子良弼冠帶後巡按仇公嘉其節移文免其次子徭役年八十三卒嘉靖丙申大水墓地皆湮沒孤塚獨存人以爲節孝所感云

王永清妻劉氏 翰元孫婦也年二十餘夫卒事姑以孝聞姑嚴厲杖之無愠色母每以爲憂氏慰之曰無非教我婦道耳姑卒治喪如禮撫遺腹子自修列邑庠

嘉小芝 舉人縉女孫少孤貧母孀弟幼誓處室以盡

孝養迨母卒撫弟廷臣如母成立授室依以終身嘉靖中年逾六十有司表其門曰孝貞

趙四女 趙換次女許字李汶未嫁而汶歿四女聞喪哀痛易服奔喪固留奉姑薛氏誓不他適家固貧紡織拾薪艱難萬狀貞白一心姑卒襄事盡禮隆慶三年奉詔旌表萬厯間巡按檄修墳墓

知縣張玫繼妻田氏 年二十四夫亡誓不再適前妻子庠生儲秀亦早卒遺妻裴氏與田同守節

李安妻廖氏 年二十七夫亡越五日生子邦益氏守節育孤孀居六十年

張大良妻李氏 年十六夫亡生子加佑方襁褓姑憐其少勸令再醮氏涕泣以死自誓姑不能強遂守節終身

劉世璋繼妻董氏 適璋甫半載夫故前妻遺二子一女俱幼氏撫如己出守節終身

馮虎威妻武氏 夫亡遺幼子大用撫養成立娶盧氏尋亦卒盧痛夫自縊柩前姑救解同守志節撫弱孤三接成立直指題請旌表

樊玘妻張氏 年十九夫亡生遺腹子繼業矢志守節教子勤苦自勵繼業列邑庠

劉貴妻晉氏 夫亡子現幼撫之成立娶媳李氏六年
現亦亡有遺腹子晉復撫養李亦堅心守節事姑孝
時稱一門雙節

馮魁妻崔氏 姑李早孀以節顯崔年二十而寡家甚
貧撫遺腹子勤甫成立娶甯氏勤又卒遺孤得意零
丁無依甯砥志如兩姑當事旌其門曰三世貞節

主簿李棠繼妻黃氏 教諭明女也夫故子週歲事姑
盡孝矢守不變前子受產業尋俱廢氏復召與已子
同爨當事旌之

大學生馬巒繼妻毛氏 知府深女孫年十八適巒明

年遭家難罹禍幾不測比辨釋巒入太學二十餘年氏撫前子珂如己出織紵資讀撫愛孫息亦如之箕裘不墜胥氏力云

尉時常妻田氏 事姑邵氏盡孝姑病割股食之氏生五子壽百歲孫曾百餘人咸謂孝行之報云

馬廷思妻楊氏 夫亡誓不再醮苦節四十九年撫遺腹子士芳成立直指題疏建坊

介星妻劉氏 寇變姑抱病氏守姑不忍去寇至姑警死強擄氏罵不絕口遂被殺

孫正妻柴氏 崇禎四年冬夫婦避寇山谷寇搜獲引

其手以嚼其肉而棄之曰賊污吾手繼執其臂又嚼其肉而棄之曰賊污吾臂寇義而釋之去氏罵不絕聲寇返立斃刃下

王自然妻裴氏 崇禎間遭土匪之變扶姑與鄰婦數十逃避適遇寇氏奪刀自刺其面寇驚散姑與鄰婦皆獲保全

裴琯妻杜氏

年二十夫亡孝事舅姑子斌甫三歲教脫

鷹妻馬氏

年十九適鷹又九年夫亡守節六十二年卒子偉事母以孝聞嘉靖五年涇野呂柁

表其門

郭彪妻賈氏

固安知縣貴之女齡孫婦也年

日節孝

郭彪妻賈氏

二十餘喪夫事姑以孝稱撫二

孤咸

衛宣妻王氏

夫亡守志紡織自給

李尙志妻衛

氏 年二十夫亡姑老家貧撫兩歲孤織紡度日七十七歲卒 張淮妻李氏 李作

哲妻景氏 高鸞妻秦氏 尹魁妻李氏 張大良

妻李氏 任尙和妻張氏 趙良佑妻張氏 衛琛

妻王氏 李養性妻周氏 王道成妻樊氏 庠生

張象妻楊氏 庠生衛道甯妻張氏 龐良弼妻楊

氏 樊尙智妻尉氏 鄭繼宰妻陳氏 杜尙玲妻

王氏 李彥珍妻陶氏 劉琪妻張氏 賈佑妻候

氏 田祥妻李氏 李純左妻衛氏 衛仁妻張氏

樊紳妻左氏 庠生郭瀾妻苗氏 高鳳妻趙氏

李汝香妻楊氏 蘇有節妻尉氏 郭邦正妻李

氏 張萬金妻孔氏 賀有功妻王氏 盧存梧妻
陳氏 劉廷相妻馬氏 馬棟繼妻王氏 秦尙洪
妻樊氏並以節孝傳

國朝

庠生馮景運妻董氏 順治六年姜逆之變氏年二十
二攜子女避亂尉郭堡賊破堡入氏義不受辱置子
女赴井死女亦死子清入邑庠

貢生楊燦妻張氏 順治甲午燦赴省試氏歸甯夜半
土賊竊發突入寢室欲脅以去氏厲聲罵賊擁上馬
氏倒投於地者數次賊脅以刃氏罵愈厲賊怒攢刃

刺殺之

周廷旦妻張氏 順治六年遭寇亂氏年二十六歲賊見而脅之奪其襁褓兒氏仆地不起厲聲罵曰爾甯殺我我必不爲爾辱賊斫其頭顱血腦交流而死邑令旌其門曰表揚貞烈

晉思忠妻盧氏 年二十二夫亡子義甫三歲氏事姑守節一日姑攜孫外出氏獨居機杼族人晉文忠與氏比鄰乘機入犯氏義不受辱捩其襟裙疾呼鄰里文忠懼取機旁鐵鎚擊殺之事聞建坊旌表

賈玕妻傅氏 玕病故子女俱無氏誓同死家人防之